

■ TRIBUNA POLITICA

Taglias ed AVS, tschains d'aua e demissiuns en il cussegl federal

DA MARTIN SCHMID, CUSSEGLIER DALS CHANTUNS PLD GR*

En l'ultima sessiun ha il parlament federal deliberà cun la refurma da taglia 17 e cun la finanziaziun da la AVS in impurtant project per la Svizra. I sa tracta tar quest project dubel d'in cumpromiss. Quel preveda da pussibilitar cun questa ulteriura proposta in pass enavant. Il pievel aveva refusà cleramain l'emprima proposta, la necessitad d'agir resta dentant vivanant. Per ch'il project chattia ina maioritad tar il suveran han ins cumbinà quella cun ina sprizza finanziaria a favur da la AVS.

Entant ch'ils ins pledan dad in «martgà da bestgas» vesan ils auters en quest project in tipic cumpromiss svizzer, per uschia gidar sut la refurma da taglia. Era jau hai dà mes consentiment a quest project en la votaziun finala, quai dentant senza esser inchantà. Quai è simplamain la suletta varianta pussaivla ch'ha gi en il mument ina schanza da chattar ina maioritad en il parlament federal. Vesì objectivamain na datti naginas alternativas tar questa proposta.

D'ina vart pon ins bain crititgar la politica, ella represchenta dentant exemplaricamain la democrazia orientada al consens ch'ha l'intent d'integrar tants acturs sco pussaivel en ils process politics. Jau sustegn cumplainamain questas valurs fundamentalas da la democrazia da consens. En l'ultim temp han ins adi-



na puspè dudi da renviadas dal dialog, era d'organisaziuns ed associazziuns professionalas. Qua manca il senn da responsabladad tar projects centrals che pertutgan noss pajais. Sche mo pli ils agens success electorals u la segirezza e l'agent bainstar en impurtants, alura vegn la chapientscha per far cumpromiss adina dapli sut squitsch ed uschia vegn era la Svizra la finala a stuair patir londervi.

Positiv per il Grischun èn senza dubi las decisiuns motivadas dal cussegl dals chantuns en favur dal tschains d'aua stadas. Sin fundament da la situaziun legala actuala scrodan las stipulaziuns vertentas l'onn 2020. A mes collegas en il cussegl dals chantuns ed a mai sco vicepresidente da la cummissiun per ambient, planisaziun territoriala ed energia èsi reussì da persvader noss collegas ch'ina reducziun dal pe da tschains d'aua n'è betg necessaria. Il cussegl dals chantuns ha suandà cun

in resultat fitg cler questa posiziun ed ha renvià ina reducziun. Igl è dentant evident ch'i sa tracta tar questa revisiun da la lescha d'ina soluziun transitorica. L'onn 2025 vegnan las discussiuns davart soluziuns novas e pli flexiblas a cuntinuar sch'il cussegl naziunal suonda las propostas dal cussegl dals chantuns, quai che sa mo sa meglierar or da l'optica dal chantun Grischun, san ins mo sperar.

Ili pli bler da discutir han dà en la terza emna da sessiun duas demissiuns or dal cussegl federal. L'emprim ha cusseglial federal *Johann Schneider-Ammann* declerà sia retratga. Ad el èsi reussì quest coup damai ch'el è sa retratg avant cussegliala federala *Doris Leuthard*. Cun questa demissiun vegn stgaffi ina vacanza dubla che pussibilescha consequentamain numerusas pussaivladads tacticas per las elecziuns vegnentas. En fin il december vegnan questa tematica e questas supposiziuns a serepeter.

Cun Johann Schneider-Ammann e cun Doris Leuthard bandunan duas persunalitads il cussegl federal ch'han vivi la concordanza e ch'han adina era gi in'ureglia averta per ils basegns dal chantun Grischun. En scadin cas, reservai gia uss ils 5 da december a las 08.00. Lu pudais vus esser ina giada dapli spanegiads sin ina emissiun probabel cun elecziuns plain tensiun a la televisiun.

* Cusseglial dals chantuns Martin Schmid è commember da la WAK/RK e da la Urek-SR.